

陽城縣志禮

第五册

祥異志

藝文志

誥敕

兵燹附

論祭文

地 160.65
32
:5

陽城縣志卷之七

邑人田六善述纂



祥異志

兵燹附

善乎歐陽氏之言曰孔子作春秋凡日食星變蟲蝻之類謹而必書而不著其應聖人沒而異端起秦漢以來學者惑于災異故天文五行之說甚繁而難據然攷貞悔繫乎易休咎徵於書其理庸有可誣第紛紛者竊之以欺世誣民其弊遂至有譖為天變不足畏之言二者交失邑舊乘志祥異不可刪沒夫奎分魯野東西異矣

陽城縣志

卷之七

一

斗占吳越南北異矣其間天時人事為遠為邇惠吉逆凶叠感叠應者寧獨陽為然哉等而推之一邑之政猶一國之政一國之政猶天下之政疇言王省歲卿士月師尹日則是凡有國有家以及從星之衆均有省驗之責如春秋紀星隕隕石六鷁退飛過宋宋齊陳鄭衛災或係乎魯與不係乎魯可例舉也至兵燹史傳記大事例畧附于篇述祥異

災祲

周

漢 慎覲王時月生齒齧畢大星

漢

黃龍二年閏月客星見昴分居卷舌東五尺許青白色
炎長三寸

延光二年三月大風拔樹

三國

魏咸熙二年太行山崩

晉

咸寧二年八月地震

陽城縣志

卷之七

二

太康元年五月雨雹傷禾麥三豆

唐

元和十二年六月大雨隰水害稼

中和二年夏晝陰積六十日

後周

廣順二年六月旬日無鳥旣而聚山谷中集於林木壓
樹枝皆折

宋

建隆二年春夏大旱

宣和二年九月成湯殿有芝草生於梁六莖並秀

元

延祐三年地震

明

永樂十二年淫雨害稼

景泰元年隕霜殺穀

成化二十年大饑人相食

弘治元年大風折木

正德四年四月雨雹大如拳累日不消禾木盡毀民饑

陽城縣志

卷之七

三

八年蝗

十二年夏青

十三年秋大水

嘉靖五年地震

七年大饑

十一年大旱七月乃雨十月夜星隕如雨

十五年夏雨雹盈尺不消麥盡傷民饑

十九年七月朔日食既晝晦星見

三十四年十二月夜地大震有聲月凡數震房垣傾圮

壓死人畜

三十五年夏霖雨數日溪水漲溢漂田廬人畜不可勝紀

四十二年三月天鼓鳴

隆慶二年夏旱秋霖五穀不登民大饑

萬曆八年螟傷禾豆

十四年大旱

十五年大旱五穀不登瘟疫大行道殍相望

三十七年秋大旱禾焦民大饑

陽城縣志

卷之七

四

四十五年夏大旱飛蝗蔽天六月終始雨

四十七年秋大饑

天啓四年夏安陽里產雙頭牛

崇禎五年秋淫雨兩月不止害稼

六年夏大瘟闔門病死十之七至有無噍類者冬無雪

七年春無雨死者枕籍於路

九年野多狼村噬食人數不可紀

十二年木稼

十三年三月天赤日月無光者二日夏無麥秋無禾人

相食骸骨遍地

十五年六月夜地震有聲如雷

國朝

順治三年夏大雷震人歿

五年春蝗生不害稼

十二年七月天鼓鳴

十四年二月大風拔木黃霾蔽天簷瓦皆落

十六年春耕牛大疫存者什之一二

兵燹

周

簡王二十三年齊侯伐晉取朝歌爲二隊入孟門登太行

漢

烈王五十一年秦白起伐韓取南陽攻絕太行道

建安十年冬十月高幹據并州入濩澤河東太守杜畿守濩澤幹攻城不下曹操徵馬騰擒幹斬之

晉

陽城縣志

卷之七

六

永嘉二年漢劉聰據太行

西魏

大統十七年楊檟拒齊師由侯并里下邵原

唐

中和四年李克用兵下太原會東兵以擊黃巢

金

天會四年宋都統制王彥部將岳飛敗金兵於新鄉進次太行

元

至正二十一年察罕帖木兒屯兵太行

明

洪武二年馮勝兵至太行山碗子城破其關元守兵叅
政俞仁奔潰

正德八年霸州賊趙燧劉六劉七楊寡婦等流劫中原
衆至數萬劉七等至縣東白巷等村民以鐵錫排列衢
巷登房用瓦擊之賊不能入遂引去

嘉靖二十四年河南賊六七十人擾害村落典史王標
率民兵火甲追襲卒值於白桑村遂遇害大掠下交都
陽城縣志
卷之七
七
而去

四十一年縣西南八十里沁水難川賊牛大牛二延三
等偕家屬假以開墾山田劫掠四外勢漸不逞撫按命
河東冀南兩道會勦官兵敗績用招撫計擒之斃於獄
梟其首懸城外樹木上殆四五十級

崇禎四年五月河曲賊王加印由沁水經縣西趨南山
其黨斬其首以降

五年七月流賊紫金梁老狝子率衆自沁水端氏犯縣
東諸村殺掠數日入澤州大陽而去

八月流賊自沁水竇莊犯縣東北移而西南入沁水翼城境而去

九月流賊自沁水武安犯縣東客將吳開先擊之戰於北畱我師敗績開先歿之賊趨澤州

十月流賊自長子遁入縣境陽和兵追擊於陽泉大勝之賊遁而西

十一月流賊自沁水榭山入縣境至城下總兵尤世祿兵至與賊戰我師失利次日復戰勝之游擊白安逐流賊至縣之北鄉大敗之賊合而西

十二月流賊復回自沁水入縣境東趨澤州

六年二月流賊犯縣南已從邵原關下濟源

三月流賊從西入縣境總兵曹文詔襲擊於芹池劉村大敗之賊潰東走

四月流賊犯縣東總兵曹文詔襲之於潤城大敗之賊遁於縣南

五月流賊自西入縣南裨將艾萬年追襲之我師敗績賊亦西遁

九月遺寇二郎神盤踞縣西十字河邑人石鳳臺撫其

衆五百人悉歸田畝

十三年饑民嘯聚山谷督撫發兵勦除之

國朝

順治元年闖逆李自成遣僞將權將軍劉芳亮率衆數萬至縣張官設吏陵虐士紳明叅政王徵俊舉人張履旋不屈而死

十月賊帥劉忠由潞安抵城下攻圍十一晝夜士民搜城固守賊西遁時潘貞善火礮發無不中賊穴地道構雲梯城幾陷人心惶怖貞奮擊斃數賊自是賊聞呼貞

陽城縣志

卷之七

九

各卽遁去同事畢澄路時鳳石邦寧郭可貴梁種法咸有功焉而張濟盛郭思礪郭琳竟死于事

四年邪教高飛王希堯糾衆千人據腰盆照壁等龕官兵勦除之時里人不敢發其事生員王洪藻決策具呈道臺武公詳其要害一鼓而渠魁授首餘黨悉平咸照洪藻先識焉

六年姜逆之變賊將陳杜張斗光率其黨攻圍洪止寨國公韓岱將大兵討平之斬首千餘級

